

alios authores nobiles, reprehendit plusquam XLVI praeter eos quos Rhetoricis ac Poeticis libris refellit. Thaleta, Anaximandrum, Anaximenem, Anaxagoram, Hermotimumⁱ, Diogenem, Xenophanem, Parmenidem, Zenonem, Melissum, Empedoclem, 5 Heraclitum, Leucippum, Democritum, Protagoram, Gorgiam, Leophanem, Antiphontem, Xuthum, Paronem, Lycophronem, Alcmaeonem, Hippasum, Hipponem, Critiam, Syenesim, Polybum, Hippocratem Chium, Eudoxum, Aristippum, Epicharmum, Cratylum, Eurytum, Speusippum, Homerum, Hesiodum, 10 Euripidem, Sophoclem, Isocratem, Herodorum, Herodotum, Ctesiam, Pythagoram integrasque sectas Pythagoreos, Antistheniosⁱⁱ, Megaricos, Socratem et plusquam alium quemquam, Platonem, praeceptorem quem LX et forte amplius locis nominatim est insectatus: sic enim placuit homini isti, omnium, uti Aelianus 15 tradidit, irrisori immerito vexare venerabilem illum senem cuius doctrinae uberrimis lactibus impinguatus fuerat, e schola eiicere et procacibus scriptis in omnem aeternitatem damnare.

Primi apud Graecos, Xenophanes ac Parmenides aliorum opinioniones refutare sunt aggressi. Plato Sophistas omnes, 20 philosophum neminem praeter duos Anaxagoram atque Heraclitum arguit. Aristoteles (in hoc quoque adversarius Platoni) Philosophos omnes, Sophistam neminem praeter duos [292] Protagoram ac Gorgiam, non solum arguit, sed iurgiis etiam acerrimis incessit. Balbutientem enim Empedoclis atque omnium antiquorum philosophiam appellat. Xenophanem et 25 Melissum ἀγροικότερουςⁱⁱⁱ, *agrestiores* vocat. Parmenidem oculatiorem tanquam alii caeci fuerint, nominat. παιδικάς^{iv}, *pueriles* illorum opinioniones nuncupat. Anaxagoram et alios λίαν ἀπλῶς καὶ ἀσκέπτως^v, *nimis simpliciter et inconsiderate* pronunciassse pronunciat. Saepissime εὐήθεις^{vi}, ἀρχαίους 30

ⁱ Corr. ex Hermotinum.

ⁱⁱ Corr. ex Antisthenios.

ⁱⁱⁱ Usp. ARIST. Metaph. 986b.27, ἀγροικότεροι.

^{iv} Usp. ARIST. Mete. 339b.34, τῆς παιδικῆς δόξης.

^v Usp. ARIST. Mete. 339b.34, λίαν ἀπλῶς καὶ ἀσκέπτως.

^{vi} Usp. ARIST. Mete. 365a.29 εὐήθεις.